


# Nèamh, Dachaigh Àillidh Dhè



Sgrìobhte le Edward Hughes  
Dealbhan le Lazarus  
Alastair Paterson

Air eadar-theangachadh le  
Eleanor Wood agus Joan NicDhòmhnaill  
Eadar-theangaichte le Sarah S.

Sgeulachd 60 a-mach a 60

**M1914.org**

**Bible for Children, PO Box 3, Winnipeg MB R3C 2G1 Canada**

Cead: Tha cead agaibh an sgeulachd seo a chlà-bhualadh,  
agus leth-bhreacan a dhèanamh, fhad nach eil sibh gan reic.

19

20

21

22

23

Tha fios aig Dia gu bheil sinn air  
rudan dona a dhèanamh, rudan ris an can  
Esan peacadh. Is e bàs am peanas airson peacadh.

Tha gaol Dhè oirnn cho mòr gun do chuir e an t-aon Mhac  
a bh' aige, Iosa, a bhàsachadh air Crois, a phàigheadh airson  
nam peacaidhean againn. Thàinig Iosa beò a-rithist agus  
chaidh E air ais a Nèamh! A-nis, nì Dia maitheadh  
dhuinn airson ar peacaidhean.

Ma tha thu airson tionndadh air falbh bho na peacaidhean  
agad, can seo ri Dia: A Dhè, tha mi a' creidsinn gun do bhàsaich  
Iosa air mo sgàth agus gu bheil E beò a-rithist. Thig nam  
bheatha agus dèan mathadh air mo pheacaidhean gus am faigh  
mi beatha ùr an-dràsta, agus gun tèid mi, aon latha, a  
dh'fhuireach còmhla Riutsa gu sìorraidh. Cuidich mi a bhith  
Gad leantainn mar Do leanabh. Amen. Eòin 3:16

Leugh am Bioball agus bruidhinn ri Dia a h-uile latha!


Gàidhlig

Gaelic

Nuair a dh'fhuirich Iosa air an talamh, dh'innis  
E dha na deisciobail Aige mu Nèamh. B' e  
"Dachaigh M' Athar" a bha Aige air agus thuirt  
E gun robh tòrr lùchairtean ann.



'S e dachaigh mhòr, bhrèagha a th' ann an lùchairt.  
Tha Nèamh nas motha agus nas bòidheche na  
dachaigh sam bith air an talamh.



1

2

Thuirte Ìosa, "Tha mi a' dol a dheasachadh àite ann dhuibh. Agus ma thèid mi a dheasachadh àite dhuibh, tillidh Mi a-rithist agus cuiridh Mi fàilte oirbh Mi fhìn." Chaidh Ìosa gu Nèamh, às dèidh Dha èirigh o na màirbh. Fhad 's a sheall A dheisciobail Air, chaidh Ìosa a thogail an-àrde agus thug sgòth E às an sealladh.



3


Bhon àm sin, tha cuimhne aig Crìosdaidhean air gealladh Ìosa gun tilleadh E gun am faighinn. Thuirte Ìosa gun tilleadh E gun fhìosta, nuair nach biodh dùil Ris. Ach dè mu dheidhinn nan Crìosdaidhean a bhàsaicheas mus till E? Tha am Bioball ag ràdh gun tèid iad dìreach gu Ìosa. Ma tha sinn air ar corp fhàgail tha sin a' ciallachadh gu



bheil sinn leis an Tighearna.


4

Tha Taisbeanadh, leabhar mu dheireadh a' Bhiobaill, ag innse dè cho miorbhaileach 's a tha Nèamh. 'S e an rud as miorbhaileach-gur e Nèamh dachaigh Dhè, ann an dòigh glè shònraichte. Tha Dia air feadh an àite, ach tha A rìgh-chathair ann an Nèamh.




5

Tha ingealan agus nèamhaich a' dèanamh adhradh gu Dia ann an Nèamh. Tha agus a h-uile duine de mhuintir Dhè a bhàsaich agus a chaidh a Nèamh. Tha iad a' seinn òran molaich sònraichte gu Dia.




6

Seo faclan bho òran a bhios iad a' seinn: IS AIRIDH THUSA OIR SHAOR THU SINNE DO DHIA LED FHUIL, ÀS GACH TREUBH IS NÀISEAN, AGUS RINN THU RÌGHREAN IS SAGARTAN DHINN DAR DIA. (Tais. 5:9)




7

Tha duilleagan mu dheireadh a' Bhiobaill a' toirt dealbh air Nèamh mar "Ierusalem Ùr". Tha e glè, glè mhòr le balla àrd air an taobh a-muigh. Chaidh am balla a thogail le clach iaspair, soilleir mar criostal. Tha bunaitean a' bhalla sgeadaichte leis a h-uile seòrsa seud, a' deàradh le dathan àlainn. Tha gach aon dhe na geataichean air an dèanamh de dh'aon neamhnaid mhòr!



8

Chan eil na geataichean mòra sin dùinte uair sam bith. Nach tèid sinn a-staigh a choimhead... Oh! Tha Nèamh nas bòidhche buileach a-staigh. Tha am baile air a dhèanamh de dh'òr fìorghlan, mar ghlainne thrìd-shoilleir. Tha fiù 's an t-sràid air a dhèanamh de dh'òr.




9

Tha abhainn àlainn, ghlan e dh'uisge na beatha a' dol a-mach o rìgh-chathair Dhè. Air gach taobh den abhainn tha craobh na beatha, a fhuaras an toiseach ann an Gàrradh Eden. Tha a' chraobh seo glè shònraichte. Tha dusan seòrsa mheasan a' fàs oirre, fear eadar-dhealaichte gach mìos. Agus tha duilleagan na craoibhe airson slànachadh nan nàisean.




10

Chan eil feum aig Nèamh air a' ghrèin no air a' ghealaich airson solas. Tha glòir Dhè fhèin ga lìonadh le soillse iongantach. Chan eil oidhche ann idir.




11

Tha fiù 's na beathaichean eadar-dhealaichte ann an Nèamh. Tha iad uile solt agus càirdeil. Tha madaidhean-allaidh agus uain ag ithe feur còmhla. Tha fiù 's leòmhanan mòra ag ithe connlach mar crodh. Tha AN TIGHEARNA ag ràdh "Cha ghortaich agus cha mhill iad Nam shliabh naomh-sa uile."



12

Nuair a tha sinn a' coimhead mun cuairt, mothaichidh sinn gu bheil rudan a dhìth. Cha tèid faclan feargach a chluinntinn uair sam bith. Chan eil daoine a' sabaid agus chan eil iad fèineil.



Chan eil glasan air na dorsan oir chan eil mèirlich ann an Nèamh. Chan eil breugadairean, murtairean, buidsichean no daoine aingidh eile ann. Chan eil peacadh sam bith ann an Nèamh.


13

Ann an Nèamh còmhla ri Dia, chan eil deòir ann tuilleadh. Uaireannan anns a' bheatha seo, bidh muintir Dhè a' rànaich air sgàth 's bròn mòr. Ann an Nèamh, bheir Dia a h-uile deur air falbh.



14

Chan eil bàs ann an Nèamh nas motha. Bidh muintir Dhè còmhla ris an Tighearna gu bràth. Chan eil bròn, no rànaich no pian ann. Chan eil tinneas, no dealachadh no tìodhlacaidhean ann. Tha a h-uile duine ann an Nèamh toilichte, còmhla ri Dia gu bràth.




15

An rud as fheàrr, 's e gu bheil Nèamh airson balaich agus nigheanan (agus inbich cuideachd) aig a bheil creideamh ann an Ìosa Crìosd mar shlànaighear. Ann an Nèamh tha leabhar ann leis an ainm Leabhar-beatha an Uain. Tha e làn ainmean dhaoinè. A bheil fhios agad cò na h-ainmean a tha sgrìobhte ann? Ainm a h-uile duine aig an robh earbsa ann an Ìosa. A bheil d' ainm-sa ann?



16

Tha faclan mu dheireadh a' Bhiobaill mu dheidhinn Nèamh a' toirt dhut cuireadh miorbhaileach. "Agus tha an Spiorad 's bean na bainnse ag ràdh, 'Thìg!' Agus an neach a chluinneas, canadh e, 'Thìg!' Agus an neach air a bheil pathadh, thigeadh e. 'S an neach a tha a' miannachadh, gabhadh e de dh'uisge na beatha."



17

Nèamh, Dachaigh Àillidh Dhè  
Tha an sgeulachd seo à Facal Dhè, Am Bioball, ri Eòin 14; 2 Corintianaich 5; Taisbeanadh 4, 21, 22  
Tha an leabhran seo mar ghibht bho: "Bheir fosgladh do bhriathar solas." Salm 119:130

18